



Medi 8fed, 2022

## **GWYBODAETH BWYSIG I BAWB**

Annwyl Rieni / Gofalwyr,

Croeso'n ôl wedi'r gwyliau. Gobeithio eich bod wedi mwynhau y gwyliau haf ac yn barod am flwyddyn brysur yn yr ysgol. Hoffwn ddiolch i bawb am eu cydweithrediad ar gychwyn y tymor newydd. Hoffwn hefyd ganmol y plant am y ffordd y maent wedi ymateb i'r trefniadau dychwelyd.

Dyma ychydig o wybodaeth bwysig i chi ar gychwyn y tymor newydd.

**Y Gymraeg** - Mae'r Gymraeg yn rhan allweddol o fywyd yr ysgol hon, ac mae'n rhoi llawer iawn o bleser i ni fel ysgol yn gweld y disgyblion o oed y meithrin i flwyddyn 6 yn datblygu eu medrau yn yr iaith Gymraeg. Cymraeg yw iaith yr ysgol, ac felly rydym yn y plant i wneud defnydd o'r iaith ar bob cyfle posib. Mae hyn yn wir wrth gwrs oddi mewn ac oddi allan i furiau'r ysgol. Rydym wrth ein bodd yn clywed y plant siarad ac yn defnyddio 'r Gymraeg, a byddwn yn gwneud defnydd o systemau gwobrwyo i ganmol ac i annog y plant ymhellach. Defnyddio'r Gymraeg i gyfathrebu yn yr ysgol yw yr hyn yr ydym yn ei ddisgwyl gan y plant yn yr ysgol hon, ac felly a fydddech cystal â hybu'r neges hon gyda'ch plant fel rhieni / ofalwyr. Annog a chanmol yw ein nod i hybu'r plant i ddefnyddio a datblygu ei defnydd o'r Gymraeg, ac felly disgwyliadau yr ysgol yw fod pob plentyn yn defnyddio y Gymraeg yn ddyddiol gyda ffrindiau a staff o fewn a thu allan i'r ystafell ddosbath tra yn yr ysgol. Drwy ymarfer a gwneud defnydd cyson bydd eu medrau dwyieithrwydd yn datblygu.

**Iechyd & Diogelwch / Covid-19** - Rydym yn parhau gyda rhai trefniadau iechyd a diogelwch dyddiol yn ein hymdrechion i leihau lefelau risg yn ymwneud a Covid-19. Fel rhieni / gofalwyr, gofynnwn i chi plŷs i barhau i wneud pob ymdrech posib i leihau unrhyw risg o ledaeniad Covid-19 o fewn yr ysgol. Mae hyn yn cynnwys bod yn wylidwrus o unrhyw symptomau Covid-19 yn cael ei ddangos gan eich plentyn neu aelod arall o'r teulu. Os yw eich plentyn yn sal gyda Covid-19, yna dylech hysbysu'r ysgol ar unwaith. Diolch

**Glanhau dwylo** - Mae gennym offer glanhau dwylo yn yr ysgol. Os yw eich plentyn yn dymuno dod a hylif golchi dwylo ei hun, yna caniateir iddo ef/hi wneud hynny, ond gofynnwn i'r plant beidio rhannu y rhain gydag eraill.

### **Cyswllt gyda'r athrawon dosbarth:**

Gallwch e-bostio'r athrawon dosbarth yn uniongyrchol os oes angen. Gallwch wneud hyn ar gyfer cyfathrebu negeseuon pwysig i'r athro dosbarth, e.e. newid amseroedd nosweithiau rhieni a.y.y.b. Oherwydd rhesymau amddiffyn data, ni ddylid defnyddio'r e-bost i gyfnewid gwybodaeth gyfrinachol. Isod gwelir cyfeiriad e-bost pob athro. Ni ddylid defnyddio'r system e-bost i wneud cwyn os gwelwch yn dda.

Miss Amy Morris	<a href="mailto:MorrisA21@hwbcymru.net">MorrisA21@hwbcymru.net</a>
Mrs Laura Davies	<a href="mailto:DaviesL2654@hwbcymru.net">DaviesL2654@hwbcymru.net</a>
Miss Manon Davies	<a href="mailto:DaviesM125@hwbcymru.net">DaviesM125@hwbcymru.net</a>
Miss Delyth Dempsey	<a href="mailto:DempseyD1@hwbcymru.net">DempseyD1@hwbcymru.net</a>
Miss Esther Richards	<a href="mailto:RichardsE305@hwbcymru.net">RichardsE305@hwbcymru.net</a>
Miss Bethan Morris	<a href="mailto:MorrisB27@hwbcymru.net">MorrisB27@hwbcymru.net</a>

Mr Dyfan Jones [JonesD106@hwbcymru.net](mailto:JonesD106@hwbcymru.net)

Mrs Manon Williams [WilliamsM1666@hwbcymru.net](mailto:WilliamsM1666@hwbcymru.net)

Miss Eilw Evans [EvansE42@hwbcymru.net](mailto:EvansE42@hwbcymru.net)

Miss Catrin Rowlands [RowlandsC193@hwbcymru.net](mailto:RowlandsC193@hwbcymru.net)

Mr Dylan Jones [JonesD2133@hwbcymru.net](mailto:JonesD2133@hwbcymru.net)

Cofiwch gysylltu â'r ysgol os ydych yn ansicr o unrhyw beth. Rydym yma i helpu ac rydym wastad yn awyddus i drafod unrhyw faterion a datrys unrhyw broblem er llês y plant.

Yn y lle cyntaf, os oes gennych bryder ynghylch eich plentyn (addysg/ymddygiad ayyb) - cysylltwch â'r **athro/athrawes dosbarth**. Efallai y cewch eich cyfeirio at aelod arall o staff yr ysgol.

Os nad ydych yn hapus gyda'r ymateb - dylech chi gysylltu gyda **Mrs Manon Williams** (Pennaeth Cyfnod Allweddol 2), **Mrs Manon Davies** (Pennaeth Cyfnod Sylfaen) neu **Mr Dyfan Jones** (Dirprwy Bennaeth).

Os ydych yn parhau i fod yn anfodlon gyda'r ymateb, cysylltwch â **Mr Rhodri Jones** (Pennaeth)

Os ydych chi'n parhau i fod yn anfodlon, dylech gysylltu â **Mr Geraint Phillips**, Cadeirydd Llywodraethwyr yr Ysgol.

Cydgysylltydd Llês ac Anghenion Dysgu Ychwanegol yr ysgol yw **Mrs Laura Davies**. Mae Mrs Davies ar gael i drafod pryderon sydd yn ymwneud a datblygiad a llês eich plentyn, ac i drafod unrhyw gefnogaeth ychwanegol y gallai'r ysgol ei gynnig i'ch plentyn os oes angen. Bydd angen trefnu amser cyfleus ar gyfer unrhyw apwyntiad neu drafodaeth gyda Mrs Davies, gan y bydd yn gyfrifol am ddsbarth dosbarth derbyn am y mwyafswm o'i hamserlen wythnosol.

**Traffig** - Gofynnwn unwaith eto i bawb barchu trefniadau parcio ar gychwyn ac ar ddiwedd dydd. Mae hi'n gallu bod yn sefyllfa anodd, ac felly gofynnwn am amynedd a chydweithrediad pawb. Er mwyn cadw lleoliadau pwysig yn glir, ni ddylid parcio mewn ardaloedd ble mae coniau wedi ei gosod. Os ydych yn dod i gasglu plentyn sydd yn gorffen am 3 o'r gloch, dylech gyrraedd safle'r ysgol ddim cynt na deg munud cyn yr amser casglu gan symud oddi ar y safle yn brydlon wedi i chi gasglu eich plentyn. Os ydych yn casglu eich plentyn o flwyddyn 3,4 5 neu 6 am 3.15, yna yn yr un modd ni ddylech gyrraedd y safle ddim cynt na 10 munud cyn yr amser casglu. Bydd hyn yn hwyluso trefniadau parcio i bawb ac yn galluogi i fwy o rieni fedru parcio ar y safle ar yr amseroedd casglu priodol. Os yn bosib wrth gwrs, byddem yn annog i bob rhiant/ofalwr sydd yn gallu, i osgoi dod a car ar gampws yr ysgol.

**Ysmygu / 'Fapio'** - Ni roddir caniatad i unrhyw riant/ofalwr i ysmygu neu fapio(vaping) ar gampws yr ysgol. Mae arwyddion iw gweld ar fynedfeydd yr ysgol.

#### **Absenoldebau/Prydlondeb:**

Mae presenoldeb yn flaenoriaeth barhaus nid yn unig i'r ysgol ond hefyd i'r Awdurdod Lleol. Bydd yr Awdurdod Lleol mewn partneriaeth a'r ysgol yn monitro lefelau presenoldeb ac yn cysylltu gyda theuluoedd pan y bydd pryderon yn codi o ran lefelau presenoldeb unigolion. Mae'n allweddol fod eich plentyn yn mynychu'r ysgol yn ddyddiol. Os yw eich plentyn yn sal, gofynnir i chi gysylltu â'r ysgol yn syth ar ddiwrnod cyntaf absenoldeb eich plentyn. **Gofynnwn i chi wneud hyn cyn 9.30 os gwelwch yn dda.** Annogir pob rhiant/gofalwr i beidio trefnu gwyliau yn ystod y tymor ysgol.

Gweler isod amseroedd sesiynau dyddiol i oedranu gwahanol. A fyddech cystal â rhannu'r wybodaeth gydag unrhyw berthnasau neu ofalwyr sydd â chyfrifoldeb i ddod a chasglu eich plentyn o'r ysgol. **Sylwer fod sesiwn y bore yn cychwyn i blant oed derbyn hyd at flwyddyn 6 am 8:55. DISGWYLIR I BOB PLENTYN GYRRAEDD YR YSGOL YN BRYDLON AC AR AMSER GAN OSGOI CYRRAEDD YN HWYR.**

**8:55** - Dysgu Sylfaen (Derbyn/Bl1 &2) CA2 (Bl. 3/4/5/6) cychwyn

**15:00** - Dysgu Sylfaen (Derbyn/Bl.1 &2) gorffen

**15:15** - CA2 (Bl. 3/4/5/6) gorffen

**9:00 - 11:30** Meithrin bore cychwyn/gorffen

**Casglu plant o'r buarth** - Erbyn hyn dylai'r rhan fwyaf ohonoch fod yn gyfarwydd gyda'r trefniadau o gasglu eich plentyn o fuarth yr ysgol. Yn ein hymdrechion i leihau y niferoedd sydd ar y buarth yn ystod y cyfnod prysur hwn, gofynnwn i chi drefnu mai **un oedolyn** yn unig sydd yn dod a'ch plentyn i'r ysgol ac yn casglu'r plentyn o'r buarth ar ddiwedd y p'nawn. Bydd hyn yn hwyluso'r trefniadau yn y bore ac ar ddiwedd y dydd, Dylid ymadael a'r buarth gan ddilyn y **llwybr un ffordd**. A fyddech cystal a sicrhau fod eich plentyn yn aros gyda chi ar ôl cael ei ryddhau gan yr athro/awes. Mae'r maes parcio yn le prysur o ran traffig ac felly rydym yn eich annog i sicrhau eich bod yn goruchwyllo eich plentyn yn ystod y cyfnod prysur hwn wrth ymadael a'r ysgol.

**Dysgu o bell** - Yn ystod y cyfnod clo, bu'r plant yn gwneud defnydd o gyfiri llwyfan dysgu HWB personol ar lein i'w cefnogi gyda'r dysgu o adref. Bydd eich plentyn yn parhau i wneud defnydd o'r adnodd, ac yn achlysurol bydd yr athro dosbarth yn gofyn i'r plant gwblhau gwaith cartref drwy ddefnydd o'r cyfrif HWB. Mae'r mwyafrif o'r plant yn barod yn gyfarwydd gyda'i cyfrifon HWB ac wedi gwneud defnydd cyson o hwn.

**Cinio ysgol** - Mae cinio ysgol ar gael, ac yn cael ei weini yn neuadd yr ysgol ar amseroedd gwahanol ar gyfer grwpiau oed gwahanol. **Bydd angen dewis cinio ysgol ymlaen llaw gan ddefnyddio ParentPay, gan gynnwys plant sydd yn derbyn prydau ysgol am ddim. Nid yw'r ysgol bellach yn gallu archebu eu cinio, rhaid ei wneud trwy eu cyfrif ParentPay cyn 8am ar y bore neu gallwch archebu hyd at 6 wythnos ymlaen llaw. Os nad yw rhieni wedi archebu cinio ar gyfer eu plentyn, bydd yr ysgol yn cysylltu â chi i ddod â phecyn bwyd i mewn. O fis Medi ymlaen bydd pob plentyn oed Derbyn yn gymwys i ginio ysgol am ddim, ond bydd yn rhaid archebu a thalu drwy system ParentPay.**

Os nad ydych wedi derbyn manylion mewngofnodi eich plentyn ar gyfer ParentPay, cysylltwch â swyddfa'r ysgol trwy e-bostio [mailbox@hooson-pri.wrexham.sch.uk](mailto:mailbox@hooson-pri.wrexham.sch.uk)

**Cŵn** - Hoffwn eich atgoffa, oherwydd resymau iechyd a diogelwch, nad oes caniatad i gŵn ddod ar gampws yr ysgol. Diolch am eich cyd-weithrediad.

**Beics** - Rydym yn awyddus i annog iechyd a ffitrwydd ein disgyblion, ac mae beicio i'r ysgol yn ffordd wych i hybu hyn. Os yw eich plentyn yn defnyddio'r beic i ddod i'r ysgol, ac os nad yw eich plentyn yn ddisgybl blwyddyn 6, gofynnwn i chi drefnu fod eich plentyn yn cael ei oruchwyllo gan oedolyn wrth deithio i'r ysgol ac adref o'r ysgol ar feic. Bydd hefyd angen i bob plentyn wisgo helmed ddiogelwch.

**Casglu plant yn gynnar o'r ysgol** - Hoffwn annog pob rhiant / ofalwr i wneud pob ymdrech i geisio osgoi gwneud hyn os nad oes gwir angen ac oni bai fod argyfwng. Mae'n gallu amharu ar addysg y plentyn, ac yn achosi anghyfleustra di-angen. Diolch am eich cydweithrediad.

## Rhai dyddiadau eraill:

Diwrnod Owain Glyndŵr - Gall y pant wisgo dillad coch gwyn neu wyrdd i'r ysgol.	16/09/22
Cyfarfod CRhA	03/10/22(6 o'r gloch)
Plant i gyflwyno cyfraniadau bwyd tuag at y Banc Bwyd Lleol fel rhan o ddatliadau Diolchgarwch.	11/10/22
Gwasanaeth Diolchgarwch blynyddoedd 5&6 yng Nghapel Bethel, Ponciau	12/10/22(10.30)
Diwrnod dangos cerdyn coch i hiliaeth - gofynnir i'r plant wisgo e ddilledyn coch gyda chyfraniad o £1 tuag at yr ymgyrch	21/10/22
Ysgol yn cau i'r disgyblion am yr hanner tymor	27/10/22
Diwrnod hyfforddiant staff	28/10/22
Ysgol yn ail-agor i'r plant a'r staff	7/11/22
Bl. 3/4/5/6 yn ymweld a Theatr y Stiwt - Pantomeim - Y Bachgen Bach Gwyrdd.	21/11/22
<b>Diwedd y tymor - yr ysgol yn cau i'r plant a staff</b>	<b>23/12/22</b>

**Nosweithiau Cwricwlaidd** - Gweler y dyddiadau canlynol. Bydd hwn yn gyfle i chi gyfarfod athro/awes dosbarth eich plentyn a derbyn ychydig o wybodaeth ynglyn a dosbarth eich plentyn. Cynhelir y nosweithiau yn yr ysgol a bydd rhain yn sesiynau i rieni/gofalwyr yn unig, ac felly i hwyluso'r trefniadau, ni fydd plant yn mynychu. Noder y bydd yr athrawon yn cyflwyno sesiwn drwy gyfrwng y Saesneg yn ogystal a sesiwn drwy gyfrwng y Gymraeg, ac felly bydd angen i chi ddewis pa sesiwn i'w fynychu.

Noson gwricwlaidd Bl.1/2(cyfrwng Saesneg)	26/09/22	5.30
Noson gwricwlaidd Bl.1/2 cyfrwng Cymraeg)	26/09/22	6.00
Noson Gwricwlaidd Bl.3/4(cyfrwng Saesneg)	26/09/22	6.00
Noson Gwricwlaidd Bl.3/4 cyfrwng Cymraeg)	26/09/22	5.30
Noson gwricwlaidd Derbyn(cyfrwng Saesneg)	28/09/22	5.30
Noson gwricwlaidd Derbyn(cyfrwng Cymraeg)	28/09/22	6.00
Noson Gwricwlaidd Bl.5/6(cyfrwng Saesneg)	28/09/22	6.00
Noson Gwricwlaidd Bl.5/6 cyfrwng Cymraeg)	28/09/22	5.30

**Cyfathrebu** - Cofiwch gadw golwg allan ar wefan yr ysgol([www.hooson.cymru](http://www.hooson.cymru)), Schoop, safle Trydar yr ysgol, yn ogystal â App yr ysgol ar gyfer gwybodaeth a newyddion allweddol.

Byddem yn gwerthfawrogi a byddai o gymorth mawr pe byddai rhieni/gofalwyr yn sicrhau fod y wybodaeth uchod yn cael ei gyfathrebu gydag unrhyw oedolion/berson sydd gyda chyfrifoldeb am ddod a'r plant i'r ysgol neu gasglu'r plant o'r ysgol. Unwaith eto hoffwn eich atgoffa i gysylltu os oes gennych unrhyw gwestiwn neu bryder. Cysylltwch gyda'r athro/awes ddosbarth am unrhyw ymholiad ynglŷn â'r gwaith, neu gyda'r swyddfa [mailbox@hooson-pri.wrexham.sch.uk](mailto:mailbox@hooson-pri.wrexham.sch.uk) am unrhyw ymholiad cyffredinol.

Diolch am eich cydweithrediad a'ch cefnogaeth barhaus

Yn gywir,

*Mr Rhodri Jones*

Pennaeth